

## 9. gr.

Undanþegin gjöldum skv. gjaldskrá þessari eru opinberar stofnanir, sem hér segir; Félagsheimili, íþróttamannvirki, dvalarheimili aldraðra, dagvistun barna, heilbrigðisstofnanir og önnur þau fyrirtæki sem sveitarfélögin reka.

## 10. gr.

Gjaldskrá þessi sem samin er af svæðisnefnd um heilbrigðiseftirlit í Norðurlandshéraði vestra og samþykkt af hlutaðeigandi sveitarfélögum staðfestist hér með til þess að öðlast gildi frá og með 1. janúar 1990, sbr. 22. gr. laga nr. 81/1988, um hollustuhætti og heilbrigðiseftirlit. Jafnframt fellur úr gildi gjaldskrá nr. 274/1986, með síðari breytingum.

*Heilbrigðis- og tryggingamálaráðuneytið, 6. desember 1989.*

**Guðmundur Bjarnason.**

*Ingimar Sigurðsson.*

## GJALDSKRÁ

### Hitaveitu Egilsstaða og Fella.

## 1. gr.

Hitaveita Egilsstaða og Fella selur afnot af heitu vatni úr veitukerfum sem gerð hafa verið og verða gerð á veitusvæði hitaveitunnar eftir þeim reglum sem settar eru í gjaldskrá þessari sbr. reglugerð um hitaveitu og hitalagnir Hitaveitu Egilsstaða og Fella.

## 2. gr.

Hitaveita Egilsstaða og Fella lætur hverju húsi sem tengt er veitukerfi hennar í té vatnsmagn til neysluvatnsnota og upphitunar enda séu ofnar hússins nægjanlega stórir að dómi hitaveitunnar.

Einnig selur hitaveitan afnot af heitu vatni til annarra nota en hitunar og neysluvatnsnota eftir því sem vatnsmagn leyfir og hún telur henta.

## 3. gr.

Hitaveita Egilsstaða og Fella lætur notanda í té vatnsmagn samkvæmt 1. og 2. gr. um rennismæli sem hitaveitan leggur til og annast viðhald á. Mælir þessi skal innsiglaður og er húseiganda/notanda með öllu óheimilt að rjúfa innsigli mælisins.

## 4. gr.

Gjald fyrir afnot af heita vatninu er sem hér segir:

1. Heitt vatn um rennismæli:	
Fyrir hvern rúmmetra vatns . . . . .	kr. 70,00
2. Auk þess greiðist mælaleiga fyrir hvern mánuð:	
Fyrir ½ tommu mæli . . . . .	kr. 365,00
Fyrir ¾ tommu mæli . . . . .	kr. 735,00
Fyrir 1 tommu mæli og stærri . . . . .	kr. 1 090,00

## 5. gr.

Hitaveitugjöld skv. 3. gr. verða krafín mánaðarlega. Lesið verður af mælum að jafnaði tvisvar á ári en notkun þess á milli áætluð. Heimilt er að fækka eða fjölga álestrum, þó skal alltaf lesið af mælum einu sinni á ári.

Óski notandi þess að lesið sé á mælitæki hans utan reglubundins álestrartíma hitaveitunnar og honum gerður sérstakur reikningur skal hann greiða fyrir það gjald kr. 280,00.

## 6. gr.

Gjalddagi hitaveitugjalda er við framvísun reiknings eða tilkynningar um reikningsupp-hæð. Sé reikningur ekki greiddur við fyrstu sýningu ber gjaldanda að greiða hann þar sem hitaveitan ákveður. Það eru vanskil ef gjöldin eru ekki að fullu greidd innan 14 daga frá gjalddaga.

## 7. gr.

Heimæðargjald hitaveitunnar skal miðast við brúttórúmmál húss skv. byggingarreglu-gerð og vera sem hér segir fyrir eina heimæð:

Hús allt að 400 m <sup>3</sup> . . . . .	kr. 107 000,00
Hús 400 m <sup>3</sup> –2 000 m <sup>3</sup> . . . . .	kr. 107 400,00
fyrir 400 m <sup>3</sup> og kr. 82,94 á m <sup>3</sup> þar yfir.	
Hús 2 000 m <sup>3</sup> –6 000 m <sup>3</sup> . . . . .	kr. 241 700,00
fyrir 2 000 m <sup>3</sup> og kr. 80,78 á m <sup>3</sup> þar yfir.	
Hús 6 000 m <sup>3</sup> –10 000 m <sup>3</sup> . . . . .	kr. 527 900,00
fyrir 6 000 m <sup>3</sup> og kr. 64,04 á m <sup>3</sup> þar yfir.	
Hús stærra en 10 000 m <sup>3</sup> . . . . .	kr. 786 500,00
fyrir 10 000 m <sup>3</sup> og kr. 55,30 á m <sup>3</sup> þar yfir.	

Nú eru fleiri en eitt hitakerfi í húsinu með sérstökum mælum frá hitaveitunni og skal þá greiða kr. 10 512,00 í aukagjald fyrir hvern mæli umfram þann fyrsta.

Ef um er að ræða atvinnuhúsnæði sem hitað er upp að hluta er heimilt að fella niður heimæðargjald af þeim hluta hússins sem ekki er hitaður. Verði breyting á starfsemi í slíku húsi þannig að farið verði að hita það allt upp þá er allt heimæðargjaldið gjaldfallið skv. gjaldskrá þess tíma sem breytingin á sér stað á.

## 8. gr.

Pegar tengingu húss er lokið er fyrri helmingur heimæðargjalds gjaldkræfur. Síðari helmingur heimæðargjalds er gjaldkræfur þremur mánuðum síðar. Þó er stjórn heimilt að veita frekari gjaldfrest ef um það er samið skriflega fyrir gjalddaga. Í slíkum samningum skal kveðið á um vexti og verðbætur.

## 9. gr.

Hitaveitugjöld samkvæmt gjaldskrá þessari eru miðuð við vísitölu byggingarkostnaðar.

Hitaveitunni er heimilt að breyta gjöldum samkvæmt gjaldskrá þessari í samræmi við breytingar á áðurnefndri vísitölu enda sé breytingin staðfest af iðnaðarráðuneytinu hverju sinni.

## 10. gr.

Öll gjöld samkvæmt gjaldskrá þessari má taka lögtaki á kostnað gjaldanda.

## 11. gr.

Hitaveitan hefur rétt til að loka fyrir aðrennsli heita vatnsins að húsi eða íbúð viðskiptamanns sem vanrækir að greiða hitaveitugjöld. Séu fleiri en einn notandi í húsi með sameiginlega heimtaug og hitakerfi skerðir það ekki rétt hitaveitunnar til að loka fyrir

aðrennsli heita vatnsins ef einn þessara aðila vanrækir greiðslur þó reikningum sé skipt á notendur.

Fyrirætlun um lokun ber að tilkynna með 3ja daga fyrirvara. Allan kostnað af lokun og opnun á ný greiðir sá sem vanskilum veldur kr. 1 458,00 í hvert sinn.

12. gr.

Eftirlitsmanni hitaveitunnar skal hvenær sem er heimill aðgangur að öllum mælum, hitagjöfum og vatnsæðum sem eru í sambandi við hitaveituna.

Er húseiganda skylt að hlíta tafarlaust fyrirmælum hans um viðgerðir á bilunum og sérhverjum ráðstöfunum til varnar gegn misnotkun á heita vatninu.

Gjaldskrá þessi, sem samin er og samþykkt af stjórn Hitaveitu Egilsstaða og Fella og sett er samkvæmt orkulögum nr. 58, 29. apríl 1967, staðfestist hér með til að taka gildi 1. janúar 1990 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis nr. 443, 25. september 1989.

*Iðnaðarráðuneytið, 18. desember 1989.*

F. h. r.

**Páll Flygenring.**

*Elsabet Sigurðardóttir.*

## **GJALDSKRÁ**

### **fyrir Vatnsveitu Bíldudals.**

1. gr.

Af öllum fasteignum í Bíldudalshreppi, sem fá vatn úr vatnsveitu sveitarfélagsins skal greiða árlegan vatnsskatt.

Vatnsskattur skal reiknast af samanlögðu fasteignamatsverði hvernar fasteignar, þ.e. bæði af mati mannvirkja og lóða samkvæmt lögum um skráningu og mat fasteigna nr. 94/1976.

Upphæð vatnsskatts skal vera allt að 0,44% af samanlögðu fasteignamati mannvirkja og lóða. Gjaldið skal þó aldrei vera lægra en kr. 2 500.

Hafi fasteign, sem greiða ber af vatnsskatt, ekki verið virt fasteignamatsvirðingu, ákveður sveitarstjórn skattinn.

2. gr.

Af fasteignum, sem nota vatn til annars en venjulegra heimilisþarfa, vegna atvinnu, sem í þeim er rekin, eða af öðrum ástæðum, skal einnig greiða aukagjald, sem nefnist aukavatnsskattur.

Aukavatnsskatt skal að jafnaði greiða samkvæmt mældri notkun, en verði mælingu ekki komið við, skal greiða aukavatnsskatt samkvæmt ákvörðun sveitarstjórnar samkvæmt áætlaðri notkun.

Upphæð aukavatnsskatts skal vera allt að kr. 5 fyrir hvern rúmmetra vatns.

Fyrir önnur vatnsnot en þau, sem talin eru hér að framan skal greiddur aukavatnsskattur eftir ákvörðun sveitarstjórnar.

3. gr.

Um tengigjöld til vatnsveitu er ákvarðað í reglugerð um gatnagerðargjöld, nr. 197/1981.